

## GJYKATA THEMELORE E MITROVICËS

Pnr. 54/2014

18 nentor 2014

NË EMËR TË POPULLIT

GJYKATA THEMELORE E MITROVICËS, në Trupin Gjykues të përbërë nga gjyqtarja e EULEX-it Roxana Comsa si Kryetare e Trupit Gjykues, Gjyqtari i EULEX-it Nuno Madureira dhe Gjyqtari i EULEX-it Arkadiusz Sedek si anëtarë të Trupit Gjykues, me zyrtaren ligjore të EULEX-it Vera Manuello si procesmbajtëse në çështjen penale:

Kundér:

R.H., emri i babait K., emri i nënës H., mbiemri i vajzërisë H., i lindur më \_\_\_\_\_ në fshatin \_\_\_\_\_, Komuna e \_\_\_\_\_, i pensionuar, me vendbanim në rrugën \_\_\_\_\_, Komuna e \_\_\_\_\_, shqiptar i Kosovës, i martuar, ka shtatë fëmijë të rritur, me gjendje ekonomike mesatare, në paraburgim nga data 22 nëntor 2010 deri më 11 nëntor 2011, në arrest shtëpiak nga data 11 nëntor 2011 deri më 27 mars 2012 dhe prapë në paraburgim pas kësaj kohe;

Iakuzuar pér:

Vrasje, në kundërshtim me nenin 146 të KPK-së/Akuza1/; Mbajtja në pronësi, kontroll, posedim ose në shfrytëzim të paautorizuar të armëve në shkelje të nenit 328 paragrafi (1) të KPK-së/Akuza 2/; Mbajtja në pronësi, kontroll, posedim ose në shfrytëzim të paautorizuar të armëve në shkelje të nenit 328 paragrafi (2) /Akuza 3/

Duke konsideruar si në vijim: me aktvendimin e Gjykatës se Apelit të Kosovës të datës 26 mars 2013, në të cilin Aktgjykimi (i atëhershëm) i Gjykatës së Qarkut në Mitrovicë P. nr. 11/2011, i datës 26 mars 2012, në lidhje me aktin penal të Vrasjes sipas nenit 146 të KPK-së /Akuza1/ anulohet dhe çështja kthehet për rigjykim në gjykatën e shkallës së parë; me anë të të njëjtë aktvendim nga Gjykata e Apelit të Kosovës të datës 26 mars 2013 i akuzuari është dënuar me

një/1/vit burgim për veprën penale Mbajtje në pronësi, kontroll, posedim ose në shfrytëzim të paautorizuar të armëve në shkelje të nenit 328 paragrafi (2) te KPK-së. - /Akuza 3/; Lirim i të pandehurit për akuzën Mbajtje në pronësi, kontroll, posedim ose në shfrytëzim të paautorizuar të armëve në shkelje të nenit 328 paragrafi (1) të KPK-së/Akuza 2/ mbetet e njëjtë nga Gjykata e Apelit.

*Pas mbajtjes së shqyrtimit kryesor në rigjykim nga data 17 deri 20 qershor 2013, më 15 dhe 16 korrik 2013, më 29 dhe 30 korrik 2013, në praninë e të pandehurit, avokatit te tij mbrojtës dhe prokurores Neeta Amin. Pala e dëmtuar Z.D. ishte e pranishme gjatë seancave të shqyrtimit kryesor, të datave 17, 18, 19 dhe 20 qershor dhe me 20 dhe 30 korrik 2013. Seancat e shqyrtimit gjyqësor kanë qenë të hapura për publikun.*

*Pasi që Gjykata Themelore e Mitrovicës kishte nxjerrë një Aktgjykim më 30 korrik 2013, në të cilin i pandehuri u shpall fajtor dhe u dënuar me 8/tetë/vjet burgim, me të cilin rikonfirmonte Aktvendimin e Gjykatës së Apelit të Kosovës të datës 26 mars 2013 në të cilin i akuzuari ishte dënuar me 1/një/vjet burgim për veprën penale të Mbajtjes në pronësi, kontroll, posedim ose shfrytëzim të paautorizuar të armëve në shkelje të nenit 328 paragrafi (2) të KPK-së - /Akuza 3/, dënim i unik për veprat penale sipas Akuzës 1 dhe Akuzës 3 ishte caktuar në 8/tetë/vjet e 3/tre/muaj burgim, bazuar në nenin 71 paragrafi (1) dhe paragrafi (2) pika 2 të KPK-së;*

*Pasi që Gjykata e Apelit të Kosovës lëshoi një vendim të datës 14 mars 2014 në të cilin Gjykata e Apelit e anuloi Aktgjykinin të Gjykatës Themelore të Mitrovicës të datës 30 korrik 2013 dhe e ktheu çështjen në gjykatën e shkallës së parë për rigjykim:*

*Pasi që ka mbajtur seancat e rigjykimit për shqyrtimin e dytë më 11 gusht 2014, këqyrja e vendit të ngjarjes më 13 gusht 2014, dhe seancat e mbeturat e rigjykimit më 16 tetor 2014 dhe 13 nëntor 2014 në praninë e të pandehurit, avokatit të tij mbrojtës dhe prokurores Neeta Amin. Pala e dëmtuar, Z.D., ishte pjesërisht i pranishëm gjatë këqyrjes së vendit të ngjarjes. Seancat e shqyrtimit gjyqësor kanë qenë të hapura për publikun;*

*Pas këshillimit dhe votimit të Trupit Gjykues më 18 nëntor 2014;*

*Sipas nenit 392 të Kodit të Procedurës Penale të Kosovës (KPPK), publikisht e ka shpallur në prani të të pandehurit, avokatit Mahmut Halimi, palës së dëmtuar dhe prokurores;*

Sipas neneve 388 – 391 të KPPK-së;

Shpall këtë:

## **AKTGJYKIM**

I akuzuari **R.H.**, të dhënat personale si më lart,

shpallet

### **FAJTOR**

Sepse me 18 nëntor 2010 rreth orës 10:45 ne vendin e quajtur Ura e Gjakut ne Mitrovice ai e ka privuar ngajeta **M.D.** duke e sulmuar atë me thikë dhe duke e therur here me thikë ne pjesë të ndryshme të trupit, duke e shkaktuar një plagë të therjes me thikë në krahun e majtë, një plagë të therjes me thikë në abdomen, dy plagë të therjes me thikë në trung dhe katër plagë të therjes me thikë ne gjoks. Si rezultat i njërsës nga therjet me thikë në gjoks, duke e dëmtuar zemrën e tij, **M.D.** ka vdekur gjatë rrugës për në klinikë në Mitrovicë.

**R.H.**, duke e therë me thikë në gjoks **M.D.** mjaftueshëm ka paraparë se veprimi i tij ka mund të rezultojë në vdekjen e këtij të fundit dhe këtë e ka pranuar.

**R.H.** ka qenë mendërisht plotësisht i aftë.

Duke vepruar kështu, **R.H.** ka kryer dhe është përgjegjës penalisht për aktin te Vrasjes në shkelje të nenit 146 te KPK, lidhur me nenin 11, 12, dhe 15 (3) KPK. – /Akuza 1/

PRANDAJ, i akuzuari **R.H.** DËNOHET

me 8 /tetë/ vjet burgim për veprën penale të Vrasjes në shkelje të nenit 146 të KPK-së.

Sipas nenit 12 dhe nenit 3 paragrafi (1) nën-paragrafi (1.2.5) të Ligjit për Amnistinë (Ligi nr. 04/L-209) të datës 11 korrik 2013, të shpallur me Dekretin nr. DL-051-2013 të datës 17

shtator 2013 që ka hyrë në fuqi pesëmbëdhjetë (15) ditë pas publikimit të tij në Gazetën Zyrtare të Republikës së Kosovës, i pandehuri lirohet nga ekzekutimi i dënimit prej 1/një/viti burgim të zbatuar me Aktvendim të Gjykatës së Apelit të Kosovës të datës 26 mars 2013 për veprën penale të Mbajtjes në pronësi, kontroll, posedim ose në shfrytëzim të paautorizuar të armëve në shkelje të nenit 328 paragrafi (2) të KPK-së. - /Akuza 3/.

Koha e kaluar në paraburgim ndërmjet 22 nëntor 2010 dhe 11 nëntor 2011, dhe ndërmjet 27 mars 2012 dhe 30 korrik 2013 si dhe koha e kaluar ne arrest shtëpiak nga 11 nëntor 2011 deri me 27 mars 2012 dhe nga 30 korrik 2013 deri në ditën e sotme do te llogaritet sipas nenit 73 paragrafët (1) dhe (4) të KPK-së.

I akuzuari duhet t'i paguajë katërqind (400) Euro si pjesë e shpenzimeve të procedurës penale, por ai lirohet nga detyrimi të paguajë shpenzimet tjera sipas nenit 102 paragrafët (1) dhe (4) të KPK-së.

---

Roxana Comsa

Kryetare e trupit gjykues e EULEX-it

---

Nuno Madureira

Anëtar i trupit gjykues

Gjyqtar i EULEX-it

---

Arkadiusz Sedek

Anëtar i trupit gjykues

Gjyqtar i EULEX-it

---

Vera Manuello

Zyrtare ligjore e EULEX-it